



URDHËR

Nr. 122, datë 26.2.2020

**PËR MIRATIMIN E PROTOKOLLEVE
PËR MASAT NDAJ *CORONAVIRUS*-it
NGA QENDRA KOMBËTARE E
URGJENCËS MJEKËSORE**

Mbështetur në nenin 1, në nenin 4, pika “b”, në nenin 8, pikat “i” dhe “ë”, të ligjit nr. 147/2014, “Për shërbimin e Urgjencës Mjekësore, për kufizimin e përhapjes së infektimit nga *Coronavirus*-i, me qëllim mbrojtjen e shëndetit të stafit mjekësor dhe të popullatës,

URDHËROJ:

1. Miratimin e protokolleve të QKUM-së për masat ndaj *Coronavirus*-it, sipas dokumentit që i bashkëlidhet urdhrimit.

2. Ngarkohet stafi i Qendrës Kombëtare të Urgjencës Mjekësore për zbatimin e këtyre protokolleve.

3. Ngarkohet Ministria e Shëndetësisë dhe Mbrojtjes Sociale për ndjekjen e zbatimit të këtyre protokolleve.

Ky urdher hyn në fuqi menjëherë.

ZËVENDËSMINISTËR I SHËNDETËSISË
DHE MBROJTJES SOCIALE
Mira Rakacolli

**Protokolli i veprimit për personelin e
Njesisë së Koordinimit të Urgjencave
mjekësore dhe Autoambulancave në terren**

Njësia e Koordinimit merr thirrje nga 127-ta, thirrje që mund të vijë nga:

1. qytetarët;
2. mjek familjeje;
3. qendra shëndetësore;
4. spitale rajonale/bashkiake të cilat kërkojnë të bëjnë transport dytësor të pacientëve suspekt/konfirmuar me infeksion nga 2019-nCoV;
5. mision në të cilin nuk kemi dyshime për raste të kontaminuara ose epidemia e gripit;
6. nëse do të kemi probleme në komunikimin me pacientët kinezë të cilët mund të kërkojnë ndihmë te 127-ta, kërkohet ndihma e Ambasadës Kineze.

1. Thirrje të ardhura nga qytetarët

Në rast 2019-nCoV suspekt pas intervistës telefonike të qytetarëve, infermieri i vlerësimit njofton menjëherë mjekun primar i cili konfirmon suspektin dhe aktivizon misionin.

Kryhet hospitalizimi i pacientit, pavarësisht gravitetit të kuadrit klinik nga ekipi i terrenit.

- Mjeku primar njofton drejtorin e QKUM-së.
- Mjeku primar njofton Spitalin Infektiv.
- Mjeku primar njofton mjekun *on-call* të ISHP-së.
- Mjeku primar njofton spitalin rajonal.
- Mjeku primar regjistron rastin suspekt te regjistri pranë NJK-së.

Pacientët në moshë madhore

Në raste të tilla, misioni do t'i komunikohet ekipit mjekësor më të afërt duke i komunikuar KODIN KORONA, që do të thotë ekipi mjekësor duhet të marrë masat, sipas protokollit 2019-nCoV.

Në rastet kur pacienti është në gjendje kritike për jetën ai do të transportohet në TERAPI INTENSIVE ose në urgjencën e spitalit përkatës.

Nëse pacienti nuk është në gjendje kritike për jetën do të hospitalizohet në urgjencën e spitalit përkatës ose në spitalin infektiv në QSUT.

Të gjitha rastet që nuk janë kritike për jetën do të referohen dhe transportohen për në QSUT, në spitalin infektiv.

Pacientët pediatrikë

Ne raste të tilla, misioni do t'i komunikohet ekipit mjekësor më të afërt duke i komunikuar KODIN KORONA, që do të thotë ekipi mjekësor duhet të marrë masat sipas protokollit 2019-nCoV.

Në rastet kur pacienti është në gjendje kritike për jetën ai do të transportohet në TERAPI INTENSIVE ose në urgjencën e spitalit përkatës.

Nëse pacienti nuk është në gjendje kritike për jetën do të hospitalizohet në urgjencën e spitalit përkatës ose në spitalin infektiv në QSUT.

Të gjitha rastet që nuk janë kritike për jetën do të referohen dhe do të transportohen për në QSUT, në spitalin infektiv.

Pacienti pediatrik do të transportohet në urgjencat e spitaleve rajonale, në pediatri ose destinacioni i tij do të përcaktohet pas konsultimit të mjekut primar me drejtorin e QKUM-së, me urgjencën e spitalit përkatës, me spitalin infektiv të QSUT-së dhe me mjekun *on-call* të ISHP-së.

Në rast se prindi ose përgjegjësi ligjor i pacientit refuzon transportin në spital, do të detyrohet sipas



ligjit nr.15/2016, “Për parandalimin dhe luftimin e infeksioneve dhe sëmundjeve infektive”.

2. Telefonata të bëra nga mjeku i familjes

Mjeku i fëmijës mund të gjendet në një nga këto situata:

- në shtëpinë e pacientit të dyshuar;
- të ketë marrë një telefonatë nga pacienti i dyshuar;
- pacienti të jetë paraqitur në qendrën shëndetësore të mjeku i familjes.

A. Në rastin kur mjeku i familjes shkon në banesën e pacientit, NJK aktivizon misionin si më sipër dhe do t'i rekomandojë mjekut t'i vendosë menjëherë një maskë kirurgjikale pacientit të dyshuar.

B. Mjeku NJK do të vendoset në kontakt telefonik me pacientin e dyshuar. Nëse nga mjeku i NJK-së do të konfirmohet si rast i dyshuar, do të aktivizohet një mision si më sipër.

C. Nëse pacienti do të paraqitet në qendrën shëndetësore, atëherë do të aktivizohet menjëherë një mision si më sipër, duke i kërkuar mjekut t'i vendosë një maskë pacientit nëse është e mundur dhe të ruajë distancën prej një metër.

3. Transferimi i pacientëve suspekt ose të konfirmuar me 2019-nCoV nga spitalet rajonale në Spitalin Infektiv në QSUT

Në këto raste, NJK-ja do të aktivizojë misionin sipas protokollit, duke lajmëruar spitalin/repartin e destinacionit, përveçse kodin e nisjes dhe KODIN KORONA.



REPUBLIKA E SHQIPËRISË
MINISTRIA E SHËNDETËSISË DHE MBROJTJES SOCIALE
QENDRA KOMBËTARE E URGJENCËS MJEKËSORE

Triazhi telefonik për rastet e dyshimta me 2019-nCoV në aeroport, porte dhe pikat kufitare në Republikën e Shqipërisë

Aeroporti/porti/pika kufitare _____
Vendi i origjinës së udhëtimit _____
Vendi tranzit _____
Numri i udhëtarëve në bord avioni/autobusi/makine me personin/at e sëmurë _____

Të dhënat personale

Emri _____
Mbiemri _____
Datëlindja _____
Gjinia _____
Adresa _____
Rezidenca _____
Vendqëndrimi (bashkia, komuna, adresa) në Shqipëri _____
Motivi udhëtimit _____
Nr. i telefonit _____

Triazhi telefonik për rastet e dyshimta me 2019-nCoV

Temperaturë Po Jo Nuk dihet
Ethe Po Jo Nuk dihet
Djersitje Po Jo Nuk dihet
Të vjella Po Jo Nuk dihet
Diarre Po Jo Nuk dihet
Vështirësi në frymëmarrje Po Jo Nuk dihet
Kollë Po Jo Nuk dihet
Rinit (sekrecione) Po Jo Nuk dihet



Teshtimë Po Jo Nuk dihet
 Dhembje koke Po Jo Nuk dihet
 Lodhje Po Jo Nuk dihet
 Të tjera _____

Lëvizja e pacientit në muajin e fundit

Vendi i qëndrimit _____

Kohëzgjatja e qëndrimit _____

Udhëtimet e fundit (vendet ku ka qene brenda 14 ditëve të fundit) _____


Vendi nga vjen 24 orë përpara mbërritjes _____

Regjistri i rasteve të dyshuara me 2019-nCoV

Data	Ora e thirrjes	Mjeku primar	Mjeti i dërguar	Shtruar në spital PO/JO	Nr. i skedës



SKEMA PËRMBLEDHËSE
 INDIKACIONE OPERATIVE PËR (2019 – nCoV) URGJENCA KOMBËTARE 127, SHQIPËRI



*Lista e spitaleve infektive dhe repartet e pediatriisë

Acti



Protokolli 2019-nCoV për personelin mjekësor

Në rastet suspekt ose konfirmuar për infeksion nga 2019-nCov është e rëndësishme:

1. Të përdoret PPE (*Personal Protection Equipment*) MBP (Mjete Mbrojtjeje Personale):

- a) maska mbrojtëse;
- b) maskë mbrojtëse faciale;
- c) maskë mbrojtëse FFP2 ose FFP3 (në rast manipulimesh, si aerosol ose përdorimi i ventilatorëve);
- d) xhaketë mbrojtëse e papërshkrueshme me mëngë të gjata jo sterile;
- e) doreza të gjata jo sterile.

2. T'i japim dhe t'i kërkojmë pacientit të vendosë maskë kirurgjikale.

3. Të bëhet një higjienë e duarve e shoqëruar nga përdorimi e ujit dhe sapunit dhe përdorimi i detergjentit me bazë të alkoolit (duart duhet të lahen para dhe pas kontaktit me pacientin, pas çdo manipulimi që mund të shkaktojë kontaminimin dhe pas heqjes së dorezave).

4. Ndjekja korrekte e asgjësimit të PPE-ve/MBP-ve të cilët janë përdorur në kontenitorët përkatës në urgjencat mjekësore të spitaleve ose në repartet e sëmundjeve infektive.

5. Të evitohet kontakti me çdo sipërfaqe të kontaminuar.

6. Të qëndrohet nëse është e mundur një metër nga pacienti.

7. Të sigurohet një ajrosje e duhur e autoambulancës ose mjetit i cili ka transportuar pacientin suspekt gjatë fazës së dezinfektimit.

8. Të përdoren mjete njëpërdorimëshe, nëse është e mundur ose të dezinfektohen instrumentet me alkool etilik 70%.

9. Të bëhet një dezinfektim i sipërfaqeve të autoambulancës ose i mjetit të transportit me ipoklorit natriumi, pasi është bërë transporti.

MINISTËR I SHËNDETËSISË
DHE MBROJTJES SOCIALE
Ogerta Manastirliu